



Bosna i Hercegovina
Federacija Bosne i Hercegovine
Kanton Sarajevo
JU Narodno pozorište Sarajevo
Obala Kulina Bana 9
tel: +387 33 445 138
e-mail: uredirektora@nps.ba
website: www.nps.ba
UPRAVNI ODBOR
Sarajevo, 21.04.2026. godine
Broj:05-2670/26

Z A P I S N I K
sa dvadeset i prve redovne sjednice Upravnog odbora
JU Narodno pozorište Sarajevo
održane 21.04.2026. godine

Prisutni: Irma Efendić Adžajlić, predsjednica; Emir Nuhanović, član, Belma Čečo-Bakrač, članica (ispred ustanove), Ljubica Pihljak članica
Odsutna opravdano: Amila Ramović, članica
Sjednici prisustvovao: vršilac dužnosti direktora Pozorišta Ermin Sijamija

Za sjednicu predložen i usvojen sljedeći
DNEVNI RED:

1. Usvajanje zapisnika sa trinaeste, petnaeste, šesnaeste, sedamnaeste, osamnaeste, devetnaeste i dvadesete sjednice Upravnog odbora
2. Informacija o stanju objekta radionice (stolarija):
 - detaljan izvještaj
 - hronologija postupanja sa objektom radionice u posljednjih 10 godina
3. Informacija o provedenom postupku javne nabavke za elektronski sistem prodaje karata, u odnosu na ranije zauzeti stav Upravnog odbora u vezi s procijenjenom vrijednošću nabavke
4. Donošenje odluke o plaćanju nabavke gromobranske instalacije
5. Prijedlog Pravilnika o načinu prodaje ulaznica i utvrđivanju kriterija za dodjelu gratis ulaznica i pozivnica
6. Razmatranje uvođenja tonskog snimanja sjednica Upravnog odbora
7. Tekuća pitanja

Sjednicom predsjedavala Irma Efendić Adžajlić, predsjednica;

1. Usvajanje zapisnika sa trinaeste, petnaeste, šesnaeste, sedamnaeste, osamnaeste, devetnaeste i dvadesete sjednice Upravnog odbora

Upravni odbor JU Narodno pozorište Sarajevo jednoglasno je usvojio Zapisnike sa trinaeste, petnaeste, šesnaeste, sedamnaeste, osamnaeste, devetnaeste i dvadesete sjednice Upravnog odbora

2. Informacija o stanju objekta radionice (stolarija):
 - detaljan izvještaj
 - hronologija postupanja sa objektom radionice u posljednjih 10 godina

Vršilac dužnosti direktora Pozorišta Ermin Sijamija prije sjednice dostavio je Upravnom odboru detaljan izvještaj i hronologiju dešavanja sa objektom radionice u posljednjih 10 godina.

2.1. Upravni odbor nakon izlaganja vršioca dužnosti direktora donosi sljedeći Zaključak kojim se v.d. direktor zadužuje da:

1. Bez odlaganja pismeno obavijesti resorno ministarstvo i Vladu o poduzetim radnjama i mjerama u proteklom periodu, te dostavi moguće prijedloge za rješavanje predmetne problematike.

2. Bez odlaganja pristupi analizi sigurnog izvlačenja materijala, scenografije i opreme radi njihovog privremenog skladištenja i programskog rada pozorišta, uz pomoć vatrogasnih i nadležnih službi, kao i razmotri druge mogućnosti sigurnog izmještanja opreme, kako bi efekti zatvaranja pozorišta za rad bili što manji.

3. Bez odlaganja pokrene inicijativu prema nadležnim inspekcijskim organima radi izvršenja vanrednog inspekcijskog nadzora nad predmetnim objektom, obavijesti Općinu Centar Sarajevo o stanju objekta, te zatraži očitovanje o sigurnosnim aspektima i eventualno poduzimanje mjera ukoliko objekat predstavlja prijetnju po okolinu.

4. Bez odlaganja izradi i dostavi prijedlog rješavanja problema, kratkoročno i dugoročno, sa konkretnim mjerama, procjenom troškova i mogućnosti sanacije objekta.

5. Informaciju o poduzetom dostaviti Upravnom odboru u roku od 7 dana od donošenja Zaključka.

3. Informacija o provedenom postupku javne nabavke za elektronski sistem prodaje karata, u odnosu na ranije zauzeti stav Upravnog odbora u vezi s procijenjenom vrijednošću nabavke

Upravni odbor konstatovao je, da kod postupka javne nabavke "elektronski sistem prodaje karata" koju je provelo JU Narodno pozorište Sarajevo, Upravnom odboru nije dostavljena dokumentacija kojom bi se potvrdilo da je prije pokretanja postupka javne nabavke provedeno istraživanje tržišta.

Upravni odbor je prethodno zauzeo stav da je, prije pokretanja postupka javne nabavke, potrebno dostaviti istraživanje tržišta u vezi s procijenjenom vrijednošću nabavke, imajući u vidu nesrazmjer planiranih sredstava za 2025. i 2026. godinu, te je zatraženo izjašnjenje po navedenom. Upravnom odboru tražena informacija nije dostavljena.

Upravni odbor konstatuje da je direktor izvršio i proveo postupak javne nabavke za elektronski sistem prodaje karata bez uvažavanja navedenog stava i bez dostavljanja traženih informacija Upravnom odboru, kako je to zaključeno na 13. redovnoj sjednici Upravnog odbora.

4. Donošenje odluke o plaćanju nabavke gromobranske instalacije

Rješenjem kantonalnog inspektora rada u oblasti zaštite na radu broj: UP-1-14-09-30-17184/22 od 29.07.2025. godine, Narodnom pozorište Sarajevo naloženo je da izvrši otklanjanje nedostataka Zapisnikom broj UP-1-14-09-30-17184/22 od 04.07.2025. godine.

Radovi postavljanja gromobrana i gromobranskih instalacija su izvršeni tri dana prije vještačenja sudskog vještaka o stanju objekta u ulici Terezije br. 52 i prije zatvaranja objekta.

4.1. Upravni odbor jednoglasno donosi Odluku broj: 05-2674/26 od 21.04.2026. godine kojom se odobrava plaćanje nabavke robe Nabavka svih potrebnih materijala za izradu gromobranske

instalacije i instalacije uzemljivača na objektu NP SA – Radionice, uz vršenje ispitivanja gromobranske instalacije i uzemljivačkog sistema i izdavanja ispitnog protokola, za potrebe JU Narodnog pozorište Sarajevo = 7.008,30 KM (slovima: sedamhiljadaosam 30/100), firmi ELEKTROCENTAR PETEK d.o.o. Tuzla, po predračunu broj: 235-/ECPBIH-2026 od 27.03.2026. godine.

5. Prijedlog Pravilnika o načinu prodaje ulaznica i utvrđivanju kriterija za dodjelu gratis ulaznica i pozivnica

5.1. Upravni odbor usvaja Pravilnik o načinu prodaje ulaznica i utvrđivanju kriterija za dodjelu gratis ulaznica i pozivnica u JU Narodno pozorište Sarajevo, uz konstanaciju da se u Prijedlogu Pravilnika izmijeni da generalne probe za predstave iznose 5,00 KM.

5.2. Pravilnik o načinu prodaje ulaznica i utvrđivanju kriterija za dodjelu gratis ulaznica i pozivnica u JU Narodno pozorište Sarajevo će se objaviti na oglasnoj ploči, web stranici JU Narodno pozorište Sarajevo i „Službenim novinama Kantona Sarajevo“, te dostaviti Ministarstvu kulture i sporta Kantona Sarajevo.

5.3. Odluka stupa na snagu danom donošenja.

6. Razmatranje uvođenja tonskog snimanja sjednica Upravnog odbora

Upravni odbor daje Prijedlog da se uvede tonsko snimanje sjednica Upravnog odbora, u cilju osiguranja tačnosti, vjerodostojnosti i transparentnosti vođenja zapisnika. Tonski zapis služio bi kao pomoćno sredstvo za izradu zapisnika, kao i u svrhu dokazivanja u slučaju potrebe. Tonski zapisi koristili bi se isključivo u svrhu potreba Upravnog odbora, te se ne smiju koristiti u druge svrhe.

6.1. Upravni odbor jednoglasno donosi Zaključak kojim se nalaže direktoru da zaduži pravnu službu da se izradi Odluka o tonskom snimanju sjednica Upravnog odbora, te da se obezbijedi oprema za svrhu snimanja. Za organizaciju snimanja, čuvanja i upravljanja tonskim zapisima zadužuje se direktor, odnosno lice koje direktor ovlasti.

1. Tekuća pitanja

Pod tekućim pitanjima, Upravni odbor donosi Odluku o izmjenama i dopunama Plana javnih nabavki za 2026. godinu broj: 05-2675/26 koja obuhvata ispravku procjenjene vrijednosti i dopunu nabavke robe: toaletni papir, protupožarna vrata i usluge; najam reflektora, održavanje hidraulične platform i lifta, popravak mašina, održavanje muzičkih instrumenata, najam rasvjetne opreme i Usluge u području zdravlja i sigurnosti. Procijenjena vrijednost: 70.500,00 KM.

Sjednica održana u Biblioteci
Trajanje sjednice: 10:00h-12,00

predsjednica Upravnog odbora

IRMA EFENDIĆ ADŽAJLIĆ

Dostaviti:

- članovi Upravnog odbora
- Ministarstvo kulture i sporta Kantona Sarajevo
- Pravna i kadrovska služba, web.nps.ba i a/a

